

偃師金石遺文補錄

偃師金石遺文補錄卷三

邑人武億虛谷原集

秀水王復秋膝續補

唐

三藏聖教序

存正書顯慶二年十二月舊在府店招提寺今移入

明倫堂

太宗文皇帝御製

門下錄事臣王行滿書

蓋聞二儀有象顯覆載以含生四時無形潛寒暑以化

物是以窺天鑑地庸愚皆識其端明陰洞陽賢哲罕窮其數然而大地苞乎陰陽而易識者以其有象也陰陽處乎天地而難窮者以其無形也故知像顯可徵雖愚不惑形潛莫覩在智猶迷況乎佛道崇虛乘幽控寂宏濟萬品典御十方舉威靈而無上抑神力而無下大之則彌於宇宙細之則攝於毫釐無滅無生歷千劫而不古若隱若顯運百福而長今妙道凝元遵之莫知其際法流湛寂挹之莫測其源故知蠢蠢凡愚區區庸鄙投其旨趣能無疑惑者哉然則大教之興基乎西土騰漢庭而皎夢照東域而流慈昔者分形分蹟之時言未馳

而成化當常現常之世民仰德而知遵及乎晦影歸真  
遷儀越世金容掩色不鏡三千之光麗象開闢空端四  
八之相於是微言廣被拯含類于三途遺訓遐宣導羣  
生於十地然而真教難仰莫能一其指歸曲學易遵邪  
正於焉紛紜所以空有之論或習俗而大小是非之乘  
乍沿時而隆替有元奘法師者法門之領袖也幼懷貞  
敏早悟三空之心長契神情先苞四忍之行松風水月  
未足比其清華仙露明珠詎能方其朗潤故以智通無  
類神測未形超六塵而迥出隻千古而無對凝心內境  
悲正法之陵遲栖慮元門慨深文之訛謬思欲分條拈

理廣彼前聞截僞續真開茲後學是以翹心淨土往遊  
西域乘危遠邁杖策孤征積雪晨飛塗閉失地驚砂夕  
起空外迷天萬里山川撥煙霞而進影百重寒暑躡霜  
雨而前蹤誠重勞輕來深願達周遊西宇十有七年窮  
歷道邦詢求正教雙林八水味道殫風鹿苑驚峯瞻奇  
仰異承至言於先聖受真教於上賢探頤妙門精窮奧  
業一乘五律之道馳驟於心田八藏三篋之文波濤於  
口海爰自所歷之國總將三藏要文凡六百五十七部  
譯布中夏宣揚勝業引慈雲于西極注法雨於東垂聖  
教缺而復全蒼生罪而還福濕火宅之乾焰共拔迷途

朗愛水之皆波同臻被岸是知惡因業墜善以緣昇昇  
墜之端惟人所託譬夫桂生高嶺雲露方得泣其能蓮  
出淥波飛塵不能汗其葉非蓮性自潔而桂質本貞良  
由所附者高則微物不能累所憑者淨則濁類不能沾  
夫以卉木無知猶資善而成善況乎人倫有識不緣慶  
而求慶方冀茲經流施將日月而無窮斯福遐敷與乾  
坤而永大

皇帝述聖記

在春官日製

夫顯揚正教非知無以廣其文崇闡微言非賢莫能定  
其旨蓋真如聖教者諸法之元宗衆經之軌躅也綜括

宏遠奧旨遐深極空有之精微體生滅之機要詞茂道  
曠尋之者不究其源文顯義幽履之者莫測其際故知  
聖慈所被業無善而不臻妙化所敷緣無惡而不剪開  
法網之綱紀宏六度之正教拯九有之塗炭啟三藏之  
秘扃是以名無翼而長飛道無根而永固道名流慶歷  
遂古而鎮常赴感應身經塵劫而不朽晨鐘夕梵交二  
音於鸞峯慧日法流轉雙輪于鹿苑排空寶蓋接翔雲  
而共飛莊野春林與天華而合彩伏惟皇帝陛下上元  
資福垂拱而治八荒德被黔黎歛衽而朝萬國恩加朽  
骨石室歸貝葉之文澤及昆蟲金匱流梵說之偈遂使

阿耨達水通神甸之八川者閩峒山接嵩華之翠巖  
以法性凝寂靡歸心而不通智地元奧感懇誠而遠顯  
豈謂重昏之夜燭慧炬之光火宅之朝啓法雨之澤於  
是百川異流同會于海不區分異總成乎實豈與湯武  
校其優劣堯舜比其聖德者哉元奘法師者夙實聰令  
立志夷簡神清齟亂之季體拔浮華之世凝情定室匿  
迹幽巖栖息三禪口遊十地超六塵之境獨步迦葉會  
一乘之旨隨機化物以中華之無質尋印度之真文遠  
涉恒河終期滿字頻登雪嶺更獲半珠問道往還十有  
七載備通釋典利物爲心以貞觀十九年二月六日奉



勅於宏福寺翻譯聖教要文凡六百五十七部引大海之法流洗塵勞而不竭傳智燈之長燄皎幽暗而恒明自非久植勝緣何以顯揚斯旨所謂法相常住齊三光之明我皇福臻同二儀之古伏見御製衆經論序照古騰今理含金石之聲文抱風雲之潤治輒以輕塵立岳墜露添流畧舉大綱以爲斯記

奉勅宏福寺爲招提寺顯慶二年歲次丁巳十二月己卯朔十五日己巳建刻字臣沈道元

潛研堂金石文跋尾云右三藏聖教序并記門下錄事王行滿書今在河南之偃師縣碑末云奉勅宏福

寺爲招提寺蓋避太子名而改也字與褚本異者象  
爲像躅爲躅並同懷仁本此書耨爲禱懷仁本又轉  
从禾旁猶蘭亭序書禊作稷也民仰德而知遵褚改  
民爲人以避廟諱此與懷仁本却不避蓋緣太宗御  
製之文故可不改爾高宗所撰記褚本題云述三藏  
聖教序記此但云述聖記亦異補

中州金石記云寶刻類編有此碑玉海引兩京記云  
元裝與惠明靈潤等翻定六百五十七部太宗製三  
藏聖教序凡有四本一永徽四年一龍朔三年皆褚  
遂良書一咸亨三年懷仁集王羲之書俱在關中行

滿書尙有韓仲良碑在陝西富平縣而書名不顯竇  
泉述書賦亦無其人觀其用筆端方絲密綽有姿致  
不在遂良下蓋當時御製自皆擇善書人寫刊偶不  
顯于史耳末云刻字臣沈道元昔受禪碑劉禹錫以  
爲鍾繇鑄字古人刻碑亦必用能書人鑄石乃有神  
采後世則命工爲之不能精好也碑在招提寺不知  
何人移至學宮招提寺者太平寰宇記云緱氏縣古  
滑城在縣東一十八里城在縣東一十八都城東南  
角有招提寺今偃師兼有漢緱氏地也補  
復案碑已中裂向用鉄銀錠束之鐫盤遂毀全文今

以同州褚書聖教序補綴參証間有小異褚本  
皇帝述三藏聖教序記此本作皇帝述聖記有在  
宮日製五字中州金石記謂碑在招提寺不知何人  
移至學宮攷此與徐浩寶叔向周公祠諸碑皆前知  
縣錢塘高君積厚輿置君有吏幹而尤知重古石刻  
如此亦可風也

張開彊供佛碑記

存正書乾封十二年九月在府店鎮北河崖上今移  
置明倫堂

大唐乾封十二年九月三日佛弟子張開彊尹氏女爲

父母舊貫絳州樂居洛邑女出事他族遠隔山河抽割  
衣資敬造阿彌陀像一區願父母兄弟及因緣眷屬永  
無災鄣值佛間法

李義豐造像記

存正書咸亨元年十二月在府店鎮招提寺今移置  
明倫堂

復案李義豐造像記原錄僅著其目今依文橫勒佛  
座云咸亨元年十二月廿二日佛弟子李義豐爲皇  
帝陛下法界衆生合家大小先祖墳靈亡父亡叔見  
存母敬造彌勒一區又義豐妻樂男伏護黑闥女掘

兄弟君瓚妻王男伏奴女永妃弟處第妻趙女山妃  
弟承業妻樂男典馬女娘子妹男兒又有佛弟子謝  
有相爲亡父母供養處節妻趙蒲提爲見存父母供  
養佛時承業妻樂含真爲見存父母供養佛時李瓚  
妻王景兒爲見存父母供養佛時据此石所記皆李  
氏眷屬獨謝有相亦附于內或亦其戚黨也命名如  
伏護黑闐及伏奴永妃山妃猶沿魏齊餘習書體亦  
庸狃惟以唐刻存之

孝敬皇帝叔德記

存章草書上元二年八月在縣南景山上俗名太子

冢前

高宗御製御書

朕聞乾象上浮南陸啟黃離之曜坤元下闢東明啟碧  
題之居稽古前王憲兩儀之大則□□□列聖崇貳極  
之丕□以長隆守□永茂承祧膺繼明缺藻人文以成  
務茂實光於載鼎嘉聲表於洵雷區分四德之規具美  
八繁之誠其於宏有之矣宏字宣慈高祖神堯皇帝之  
曾孫太宗文武聖皇帝之孫朕之元子也緬惟聖系崇  
高極天無以方其峻□□森邃浴景無以喻其深如蜺  
裳夜月之植類馬鬣□□之瑞□浮紫氣開□□之□

口地啟

缺

高祖尉口鳴之標運躡神嘯之屯斯受大命

於口宮滌會氛於口野太宗雲行雨施探炎岳而敷英

駕槎乘舟濡沸海而匡溺更張天地息龍戰而靜陰陽

重懸口象弭麟口而口日月細柳口口之域捲入堤青

銅標珠闌之鄉口歸正朔缺承缺累聖之崇基纘重光

之大業幸休徵缺洽景歷惟新宇宙無虞環瀛有截柄

玉燭而調四選口彙昭蘇握金鏡而朗口無中外禔福

自蒼昊而垂祐口結本口胃缺調口倚缺承魏雲而毓

質戴玉連珠之異相發於髻初注琴銘劍之能道光於

口始年纔一歲立爲代王鳧岳崇壽口口景風之典象



舟勝口益峻口人之高朕以王口攸缺宰口命缺春閣

習禮秋籥殫藝宮之奧旨究肅成之宏義一物載行九

口口允度延端士納審論之良箴博採正人佇宣翼之

明行畧詮其美口口德口爾其至性純深口道光備承

缺口口口口起問賢切於三朝缺朕及天后攝衛微乘

則色不滿容行不正履出青宮而視膳悟寢通霄入紫

庭而扇枕纏憂口日豈止疾口口口必親而已哉此其

至孝也監國字人務在含養口刑慎獄缺於身後缺竊

金口而無尤桓召惟恭出銅龍而載惕此其至仁也承

天奉地貽肅雍之大矩迎郊過廟極口口之崇儀口口

不情其容口暗莫移其檢同興共帳口口切乘口之風

等缺喻其神望景揣情藏往無以論其口心融首覽應

萬像以含幾器韞口珠苞六合而凝照辨防口口誌義

出羣以驗長壽之書口事獨察此其至明也栝柱茅簷

疎口菲食思堯缺爲朕每賜以缺佩服以承恩雅淡既

隆缺遂委襲而從好此其至儉也不邇聲色荷帝乙天

性之高載植口通有口口口中年之量馳騁末口弃之

而弗爲書劍淺技能之而弗貴缺娛大德口媮缺範小

道恐泥不留聰於異端此其至正也七門四徹之書牙

窮泉極蓬府柏臺之秘口綻真答口口典於叔時採德

義於羊傅罷瑤嶺之風樂鍾鼓六口較口口之鳴口笙

此其至口也缺能缺違有缺之宜正或是非潛申獻替

之益朕所惡者有口善而必揚朕所好者無口口而不

口父有諍子是之謂歎此其至口也縣陔葭苧因心之

戀已切桂山口屏缺愛尤口口口輦缺其孔懷此其至

睦也爲而不恃口柱史之妙門異而能齊體蒙口之虛

室寶實斯混語口雨口咸英與林籟同口袞袂與雲霞

一致此其至通也迪口衆德口踐口口口則口韶缺

洛陳謨陵太山而開辨圍口缺鮪去俎禮不忘於口申

口鼈臨缺口文必山於造次咬遊寢蹟不待燼口之書

道給立身無資設木之諫雖復詠歌未稱戴啟之願

缺

歸贊口口頌斯達朕

缺

山脫屣褰裳願尋真於汾水不

飾情於外禪無待咨岳之口口逸已於中宸自申知子

之梗口圖釋負未述所懷屬炎箠戒口涼宮避暑

缺

及

其口喬乃申前

缺

性特隆一聞此言因便感咽伏枕流

歛哽絕移時重致縣留遂成沉痼西山之藥不救東岱

之魂吹湯之鑿莫返逝川之命上元二年口月二十五

日

缺

既仰謝於姬昌變髮之悲遂俯同於容僂豈不知

至人無愛大道忘情雖慕延陵之通終愴卜商之感天

后心纏積悼痛結深慈想鳳

缺

朕之至懷不無違其心

許數申舊命爰贈尊名粵以吉辰口諡爲孝敬皇帝其  
葬事威儀乃山陵制度以口天子之禮惟爾識自生知  
性將口口口口星缺芳缺日將月就羣方欽其麗正多  
士挹其宜猷愛我極於九重光耀究於四海卑詞降東  
園之逸高談接南館之賓口君之德盛焉天表之望隆  
矣鹿缺徵奄促上賓之駕興言長往震悼良深朕以其  
孝於承親恭於事上口無邊爭卜葬冀得近侍昭陵申  
以奉先之禮順其既往之志但以農星在候田務方殷  
重歸闕輔恐有勞廢遂割一己之慈口口兆人之業口  
山口以爲言故贈殮絕於珠璣明器惟資凡木一從本

志無奪宿缺口卽以上元二年八月十九遷寧於景山

之原禮也缺冀樹靡口口無隔缺風雲之缺鶴歸緜口

口口口仙缺谷之有遷刊琬口而垂範式旌德行乃作

銘云

震象凝位離景騰輝地浮重海天開少微惟皇取則利

建儲闢承祧是寄主鬯攸歸其運啟口圖祚隆先聖丹

霧飛仙缺正其二研機道口發遽口津戈臨口序籥奏秋

旻商巖佇逸望苑通寶產藝方遠宣猷日新其三禮茂承

顏樂融錫類愛敬兼極君親一致口口義重口口口至

性道缺優游其四德績劬撫軍勳宣監國便坐垂範

寢門貽則量湛川沖化敷元默其五虛佇承疑崇奉誦保

望衡辨履臨渦口藻讓口口宮口逾馳道口德口口口

口爲寶其六枯楹靜口鳴葭締遊鶴廚斯啟鮑俎弗羞恭

行一物澄汰九流其七緬惟釋重載追前懿爰念少陽將

推大位純孝深感聞言哽口復命未申其八彩口沉

夜光未缺慈孝口泣元圃風悲豈堂戚今興悼念昔增

傷其九崇謚追尊鴻名增冊伊洛疏兆嵩環卜宅隨擬喬

巖塋圖畢陌霧疑平楚煙其十原隰缺殿口歸缺飛鳳

碑空篆鶴駕無追其一

備案碑下截殘泐幾不可辨攷新唐書太子宏傳帝

自製睿德記刻石陵側卽此碑也其上云宏字宣慈  
史於燕王忠太子賢並書字而此獨見遺蓋失紀也  
碑石過大摹榻常不易構世旣罕其傳而史遂於書  
字亦未之及今賴此碑補之是尤可重也碑云年纔  
一歲遂立爲代王高宗紀永徽六年封于宏爲代王  
本傳 若以一歲始封數之自永徽六年至上元二年  
太子宏之薨計年乃二十一而傳作二十四歲者誤  
也紀云卽以上元二年九月九日遷窆於景山之原  
據傳惟云葬緱氏攷記墓者多以山原誌其藏示不  
易變也然則如此紀所云亦爲得其實又顧亭林云



古人主有追封其父兄無尊其子弟者惟秦文公太子卒賜諡爲靖公唐太宗追諡其弟故齊王侏爲承天皇帝今於高宗追諡太子宏爲孝敬皇帝蓋又其一矣題額與昇仙太子碑皆飛白書世尤不多見故并著之

中州金石記云劉昫唐書列傳云孝敬皇帝太子宏高宗第五子也上元二年太子從幸合璧宮尋薨諡爲孝敬皇帝其年葬於緱氏縣景山之恭陵制度一準天子之禮高宗親爲制敕德紀并自書之於石樹於陵側卽此碑也太平寰宇記云緱氏縣有恭陵孝

敬皇帝陵在縣東北五里今俗亦呼太子陵河南通志誤曰敬宗陵蓋謬甚矣武進士億云碑云宏子宣慈今史于燕王忠太子賢並書字而此獨見宣蓋失紀也又云年才一歲立爲代王高宗紀永徽六年封子宏爲代王本傳亦同若以一歲始封數之自永徽六年至上元二年太子宏之薨年乃二十一而傳作二十四歲者誤也武君偃師人深于經史之學者著有虛谷金石錄補

復案碑載炎籥戒口涼宮避暑舊唐書高宗紀上元二年夏四月己亥皇太子宏薨于合璧宮之綺雲殿

時帝幸合璧宮卽碑云涼宮避暑也又碑載口性特  
隆一聞此言因便感咽伏枕流淚哽嗟移時重致縣  
留遂成沉痾据宏本傳高宗制云朕理微和將遜于  
位而宏天資仁厚孝心純確旣承朕命掩歎不言因  
茲感結舊疾增甚亦與此符後又載卜葬冀得近侍  
昭陵中以奉先之禮順其旣往之志但以農星在候  
田務方殷重歸關輔恐有勞費遂割一己之慈口口  
兆人之業云卽以上元二年八月遷窆于景山之  
原本傳葬緱氏縣景山之恭陵初新築恭陵功費巨  
億萬姓厭役呼嗟滿道遂亂投磚瓦而散今碑尙稱

不勞兆民之業非自爲飾詞蓋有司督役過迫促致  
斯變也傳稱永徽四年封代王依碑一歲始封計之  
年亦當二十三舊書作二十四亦誤

字伯道文補錄卷三終

邑人

武穆宣方淳恩于校

傅師金石遺文補錄卷四

邑人武億虛谷原纂

秀水王復秋旌續補

唐

缺  
建立經幢記

存正書永淳元年八月在縣西南高龍鎮

武后昇中述志碑

佚萬歲登封元年二月

金石錄周昇中述志碑武后自撰睿宗書碑極壯偉  
立於嵩山之巔其陰鍾紹京書字畫皆工妙政和中

河南尹上言請碎其碑詔從之

說嵩引宣政雜錄曰唐武后昇中述志碑在嵩山下  
政和中河南尹上言請碎其碑詔從之今碎碑在府  
店西或曰卽昇中述志碑土人相誠不敢移動予於  
康熙三十五年丙子歲至碑所觀其制度與嵩陽紀  
聖德碑相類其高大亦相彷彿字爲八分書亦與嵩陽  
碑無異

億案景氏猶目見碎碑爲八分書今并此亦佚矣金  
石錄以爲碑在嵩山之巔宣政雜錄以爲在嵩山之  
下景少宗伯又目驗碎碑在府店錄之以備傳疑

昇仙太子廟碑 并序

存章草書聖歷二年六月在仙君廟

大周天冊金輪聖神皇帝御製御書

朕聞天地權輿混元黃於元氣陰陽草昧造化於洪  
鑪萬品於是資生三才以之肇建然則春榮秋落四時  
變寒暑之機玉兔金烏兩曜遞行藏之運是知乾坤至  
大不能無傾缺之形日月至明不能免盈虧之數豈若  
混成爲質先二儀以開元兆道標名母萬物而爲稱惟  
恍惟惚窈冥超言象之端無去無來寥廓出寰區之外  
鑿鸞馭鳳昇八景而戲仙庭駕月乘雲驅百靈而朝上



帝元都迴闕玉京爲不死之鄉紫府傍開金闕乃長生  
之地吸朝霞而飲甘露控白鹿而化青龍魚腹神符已  
效徵於涓子管仲靈藥方嶺術於封君從壺公而見玉  
堂召盧敖而赴元闕炎皇少女剩往仙家負局先生來  
過吳市或挑烟而長往或御風而不旋旣化倂以成蜂  
亦枯變而生葉費長房之縮地目覽遐荒趙簡子之竇  
天親聆廣樂懷中設饌標許彥之奇方座上釣魚呈左  
慈之妙技遙昇閣道遠睇平衢鼓琴瑟而駕輜輶出西  
闕而遊北海登崑崙而一息期汗漫於九垓湘東遺鳥  
蹟之書濟北致魚山之會拂虹旌於日路飛羽蓋於烟

郊旣入無窮之門還遊無極之野青虬吐甲爰披五嶽  
之文丹鳳銜符式受三皇之訣瀨鄉九井漾德水而澄  
潢淮南八仙著真圖而闕秘自非天姿拔俗靈骨超凡  
豈能訪金籙於元門尋玉皇於碧落者矣昇仙太子者  
字子喬周靈王之太子也原夫補天益地之崇基三分  
有二之洪業神宗啟胄先承履帝之祥聖孝興源幼表  
靈龜之相白魚標於瑞典赤雀降於禎符屈叔粹於三  
窮錫陟曠以四馬穀洛之闢屨父中無壅之規而匡救  
之誠仙儲切犯顏之諫播石子之懿範顯國史之芳聲  
而靈應難窺冥徵罕測紫雲爲蓋見嘉貺於張陵白蜺

成質遺神丹於崔子鳳笙流響恒居伊洛之間鶴駕騰  
鏤俄陟神仙之路嵩高嶺上雖藉浮邱之迎緜氏峯前  
終待桓良之告傍稽素篆仰叩元經時將玉帝之遊乍  
洽琳宮之宴仙冠岌岌表嘉稱於芙蓉在弼鬼鬼效靈  
官於桐柏九丹可挹仍標延壽之城千載方傳尙紀仙  
聖之祀辭青宮而歸九府棄蒼震而慕重元無勞羽翼  
之功坐致雲霄之賞雖黃庭衆聖未接於末塵紫洞羣  
靈豈驟於後乘斯乃騰芳萬古擅美千齡豈與夫松子  
陶公同年而語者也我國家先天纂業闢地蒞基正八  
柱於乾綱紐四維於坤載山鳴鸞鶴爰彰受命之祥洛

出圖書式兆興王之運廓提封於百億群教洽於無垠  
被正朔於三千文軌同於有截茫茫宇宙掩沙界以流  
疆泚泚寰區籠鐵閘而劃境坐明堂以崇嚴祀大禮攸  
陳謁清廟而展因心洪規更闢文山西峙上聳於圓清  
武井東流下凝於方澗駢柯連理恆騁異於形罪九穗  
兩岐每呈祥於翠畝神芝吐秀宛成鸞蓋之形歷草抽  
英還同朔望之候山車澤馬充牣於郊畿瑞表祥圖洋  
溢於中外乾坤交泰陰陽和而風雨調遠肅邇安兵戈  
戢而烽燧靜西鷁東鯨已告太平之符鄙黍江茅屢薦  
昇平之應而王公卿士百辟羣僚咸詣闕以披誠請登

封而告禪敬陳嚴配之典用展禋宗之儀泥金而叶於  
告成瘞玉而騰於茂實千齡盛禮一旦咸申爾乃鳳輦  
挑虛旣造雲霞之路龍旗拂迴方馳日月之扃後殿崇  
山先鋒蔽野千乘萬騎鈎陳指靈嶽之前谷遠川停羽  
駕陟仙壇之所旣而馳情烟路係想元門遙臨松寢之  
前近瞰桂巖之下重巒絕磴空留落景之暉複廟連甍  
徒見浮雲之影山扉半毀纔覩昔年之規礪屬全傾更  
創今辰之製乃爲子晉重立廟焉仍改號爲昇仙太子  
廟方依福地肇啟仙居開廟後之新基獲藏中之古  
劍見吾挺質巨關標名白虹將紫電爭鋒飛景共流雲

競彩去夜驚而除衆毒輕萬戶而却三軍無勞望氣之  
筮自遇象天之寶巖巖石室紀黃老五千之文赫赫靈  
壇披碧洞三元之籙爰於去歲嘗遣內使往祠雖神祇  
有路隔之言而冥契著潛通之兆遂於此日頻感殊禎  
迢遶雲間聞鳳笙之度響徘徊空裏瞻鶴駕之來儀瑞  
氣氤氳異香芬馥欽承景貺目擊休徵爾其近對巖岑  
遙隣嵩嶺變維城之往廟建儲后之今祠窮工匠之奇  
精榜臨絕壑盡山川之體勢上冠雲霓其地則測景名  
都交風勝壤仰觀元緯天文當太室之邦俯矚黃輿地  
理處均霜之境膏腴宇宙通百越之樓船巨嶮山原控

八方之車騎危峯切漢德水橫川實天下之樞機極域  
中之壯觀於是捫危鑿趾越壑栽基命般爾而開筵召  
公輸而綴思梅梁敷迥近架烟霞桂棟臨虛上連日月  
窻明雲母將曙景而同暉戶挂琉璃共晴天而合色曲  
閣乘九霄之表重檐架八景之中湛休水於天池發祥  
花於奇樹珠闕據緱峯之外瑤壇接嵩嶠之隈素女乘  
雲窺步檐而不逮青童駕羽仰層楹而何階茂躅鬱兮  
若生靈儀肅兮如在昔峴山墮淚猶見鉅平之碑襄水  
沈波尚有當陽之碣況乎上賓天帝瑤山之風樂不歸  
下接浮邱洛浦之笙歌斯遠豈可使芳猷懿躅與歲月

而推邁霞宇星壇共風煙而歇滅迺刊碑勒頌月紀徽  
音庶億載而維新齊兩儀而配久方佇乘龍使者爲降  
還齡之符駕羽仙厓曲垂駐壽之藥使瑤璣叶度玉燭  
調時百穀喜於豐年兆庶安於奉俗虔敷短製乃作銘  
云

邈矣元始悠哉渾成傍該萬類仰貫三精至神不測大  
象難名出入太素驅馳上清

其

黃庭仙室丹闕靈臺銀

宮雪合玉樹花開夕遊雲路朝挹霞杯霓旌髣髴羽駕

徘徊

其二

樹基創業遷朝立市四險天中三川地紀白魚

呈貺丹鳥薦祉靈骨仙才芳猷不已

其三

遐瞻帝係仰瞻



仙儲遙馳月域高步烟墟名超紫府職邁玉虛飄飄芝

蓋容與雲車

其四

遠參崑崙遙期汗漫金漿玉液霧宮霞

館瑤草扶疏珠林璀璨萬劫兆久二儀何算

其五

栖心大

道托跡長生三山可陟九轉方成鳧飛舄影鳳引歌聲

永昇金闕恒遊玉京

其六

青童素女浮邱赤松位稱桐柏

冠號芙蓉諱真御辯控鶴乘龍高挑雲路輕舉遐踪

其七

歲往年移天長地久霄漢爲室烟霞作友舞鶴飛蓋歌

鸞送酒絕蹟氛埃芳名不朽

其八

粵我大周上膺元命補

天立極重光累聖嘉瑞屢臻殊祥疊暎歸功蒼昊昇中

表慶

其九

爰因展禮邇接靈居年載超忽庭宇凋疎更安

珠殿重開玉虛方依翠壁敬勒丹書其新基建址古劍

騰文鳳笙飛韻鶴駕凌雲休符雜沓嘉瑞氤氳仙儀靡

見逸響空聞其一仰聖思元求真懷昔霞軒月殿星宮

霧驛萬載須臾千齡朝夕紀盛德於芳翰勒鴻名於貞

石其二聖歷二年歲次己亥六月甲申朔十九日壬寅

建

金石錄跋尾右周昇仙太子碑武后撰并書昇仙太

子者王子晉也是時張易之昌宗兄弟方有寵詔諛

者以昌宗爲子晉後身故武后爲葬其祠親銘而書

於其碑君臣宣淫無耻類如此可發萬古之一笑也

福

石墨鐫華武壘淫橫千古而亦假借柔翰天之生才於彼何其不靳也此文未必真出后手當是北門學士語碑首昇仙太子之碑六大字飛白書作鳥形亦佳飛白書久不傳于世此其僅存者耳

補

金石圖右昇仙太子碑真跡三十三行文每行六十六字堊歷二年六匝御書高一丈三尺闊四尺八寸在偃師縣南四十里緱山頂上本廟中東側南

補

中州金石記云劉昫唐書本紀云聖歷二年二月戊子幸嵩山過王子晉廟丙申幸緱山碑云千乘萬騎

鉤陳指靈岳之前谷遂川淳羽駕陟仙壇之所又云  
乃爲子晉重立廟焉又改號爲昇仙太子之廟卽其  
事也通鑑云聖歷二年二月己丑太后幸嵩山過緱  
氏謁昇仙太子廟據碑則子晉廟以六月改名史家  
不合二月卽稱之宣和書譜稱后初得晉王導十世  
孫方慶家藏書蹟摹榻把玩自此筆力益進其行書  
有丈夫氣今觀其草法極工有烏絲方格尙似章草  
及皇象書孫過庭書譜智永千文之體惟世傳懷素  
張旭草書乃多變格後世草書之學幾絕類皆託仿  
懷素甚矣人之好異也予嘗論學書之法臨帖不如

臨碑碑則古人親自書丹當時摹刊求其神采宜得十分之九其見于法帖則傳之百數十紙墨漫滅或是後人臨摹贋本賞鑒家誤以爲真俱未可定觀大觀淳化絳汝諸帖所收名臣書譌錯支離類皆以私意定之不足信也水經注云休水又東屆零星隴水流濟通重源又發側緱氏原開山圖謂之緱氏山也亦云仙者升焉言王子晉控鶴斯阜靈王望而不得近舉手謝而去其家得遺屣俗亦謂之爲撫父堆堆上有子晉祠又按史記索隱顧氏案裴秀冀川記云緱氏仙人廟者昔有王喬樾爲武陽人爲柏人令於

此得仙非王子喬也則在水經注之前未知何世神仙之說多近于無稽周書王子晉解師曠謂王子火色不壽未及三年告死者至緱氏周邑或子不所耳後人哀之謬云仙也

補

昇仙碑陰上截雜言遊仙篇御製

存正書

奉宸大夫臣薛曜書

絳宮珠闕敞仙家蜺裳羽旆自凌霞碧落晨飄紫芝蓋  
黃庭夕轉綵雲車周旋宇宙殊非遠寫望蓬壺停翠幌  
千齡一日未言賒億歲嬰孩誰謂晚逶迤鳳舞時相向

變轉鸞歌引清唱金漿既取玉杯斟玉酒還用水膏釀  
駐迴遊天域排空聊憇息宿志慕三元翹心祈五色仙  
儲本口諒難求聖迹奇術秘元猷願口丹口賜靈藥方  
期久視御隆周

億

案全唐詩存武后詩四十六篇此雜言獨缺載蓋  
石榻尋搜不及故也錄之以備遺脫

昇仙碑陰中載

存正書

春官尚書檢校內史監修國史上柱國梁王臣三思  
光祿大夫行內史上柱國邢國公臣王及善

中大夫守鳳閣侍郎同鳳閣鸞臺平章事上柱國臣蘇  
味道

朝散大夫守鳳閣侍郎同鳳閣鸞臺平章事臣魏元忠  
銀青光祿大夫守納言上柱國汝陽縣開國男臣狄仁  
傑

銀青光祿大夫守納言上柱國譙縣開國子臣婁師德  
銀青光祿大夫行鸞臺侍郎同鳳閣鸞臺平章事上柱  
國鄭縣開國子臣楊再思

朝請大夫中天官侍郎同鳳閣鸞臺平章事左控鶴內  
供奉臣吉頊



勅檢校勒碑使守鳳閣舍人右控鶴內供奉騎都尉臣  
□□

題御製及建辰并梁王三思已下名臣薛稷書

採石朝議郎行洛州來庭縣臣王峻

題諸王等名左春坊錄事直鳳閣臣鍾紹京書

億

案此碑陰中截題名諸人多見史傳今攷之新唐

書亦時有漏誤狄仁傑封汝陽縣開國男傳僅言睿  
宗又封梁國公舍前封爵不書此又字何所指耶是  
汝陽開國男宜依碑附書而傳不及爲非楊再思傳  
封鄭縣侯今碑陰乃作鄭縣開國子然則傳云侯者

亦誤也吉頊以宰相表在久視二年三月甲戌頊始  
加左控鶴內供奉而頊侍武后從幸當聖歷二年碑  
陰已書此矣相王旦刊碑刻石蓋於神龍二年故得  
續錄其官也豆盧欽望傳帝復位擢尙書左僕射中  
宗紀復位當神龍元年下書特進豆盧欽望爲尙書  
右僕射宰相表神龍元年欽望自特進爲右僕射紀  
表與傳書左者皆不符得碑陰證之竟作左僕射此  
又紀表皆誤而傳爲獨得其實又碑云行內侍省掖  
庭局令據百官志內侍省下其屬局六曰掖庭宮闈  
奚官內僕內府內坊下並列宮闈局令奚官局令內

僕局令內府局令內坊局令不宜獨畧掖庭致其數  
僅有五與前不符舊唐書有掖庭局令二人推之此  
碑掖庭局令亦當時設官自宜如此而史或脫也

復案新唐書王及善傳以父死事授朝散大夫襲邢

國公爵又加光祿大夫以老病致仕神功元年契丹

擾山東擢魏州刺史

云

留拜內史與碑並合惟失

錄勲上柱國爾吉頊傳始頊善張易之殿中少監田

歸道鳳閣舍人薛稷正諫大夫員半干夏官侍郎李

迥秀皆爲控鶴內供奉頊又強敏故后依爲腹心聖

歷二年進天官侍郎同鳳閣鸞臺平章事據是碑載

項爲左控鶴內供奉傳所謂后倚爲腹心卽由此矣  
昇仙碑陰下截

存正書

相王旦記

大唐神龍二年歲次景午水捌月壬申金朔二十漆日  
戊戌永開府儀同三司左千牛衛大將軍上柱國安國  
相王旦奉制刊碑刻石爲記

從官特進行尚書左僕射兼檢校安國相口府長史平  
章軍國重事上柱國芮國公豆盧欽望

從官太中大夫行安國相口府司馬護軍皇甫忠

朝散大夫守安國相口府諮議上柱國邢國公口温

朝議大夫行安國相口府記室參軍事邱悅

朝議郎行安國相口府文學韋利器

朝議大夫行安國相口府倉曹參軍事辛道瑜

行安國相口府屬韋慎感

行安國相口府掾邱知幾

行安國相口府典軍邱琬

行安國相口府典軍衛日新

從安國相口品官行內侍省奚官局令引參自

安國相口品官行內侍省掖庭局令戴思恭

承議郎行左春坊錄事直鳳閣臣鍾紹京奉勅勒御碑  
宣議郎直司禮寺臣李元琛勒御書

直營繕監直司韓神威刻御字

洛州永昌縣臣朱羅門刻御字

臣倬麟楷

億案會子固跋襄州徧學寺碑有云鍾紹京書其字  
畫妍媚遒勁有法誠少與爲比然今所見特此碑尙  
完今余證之此碑題名亦紹京書而幸完無缺曾氏  
未之見也又碑陰諸臣列銜凡王字皆鐫去由金海  
陵收定封爵置局立限毀抹王字雖墳墓碑誌亦所

不免而承事者遂波及於前代石刻則是碑陰亦當被厄是時矣

復案歲次丙午水捌月壬申金二十漆日戊戌木蓋以納音言之如此若數目字用貳捌漆皆假借爲文也後結銜從官特進行尙書左僕射兼檢校安國相口府長史平章軍國重事上柱國芮國公豆盧欽望舊唐書欽望本傳中宗卽位以欽望宮寮舊臣拜尙書左僕射知軍國重事兼檢校安國相王府長史兼中書令知兵部事監修國史與碑合又從官太中大夫行安國相口府司馬護軍皇甫忠忠見皇甫無逸

傳孫忠開元中爲衛尉卿又朝議大夫行安國相口  
府記室參軍邱悅朝議郎行安國相口府文學韋利  
器見開元三年龍門大彌陀身像記銀青光祿大夫  
昭文館學士邱悅前秘書少監韋利器又行安國相  
口府屬韋慎惑慎惑見唐書宰相世系表鄧公房慎  
惑右驍騎將軍最後稱洛州永昌縣臣朱羅門永昌  
卽洛陽神龍二年改名也

造阿彌像石記

存正書先天二年十二月在縣南楊家橋

洛州緱氏縣景山鄉蓋聞妙

缺

雲

缺

濯海金蓮湛

缺

惠



金華通志補遺卷四  
一四  
缺

今清信弟子

缺

義令等皓

缺

孝慈

缺

心千哀

缺

崇福

祐用展敬捨淨財

缺

母

缺

七世先亡造石得圖阿彌像

一鋪今得成願

缺

功德資蓋

缺

又爲合家平

缺

親眷屬

同沾此福先天二年一十二月一十五日建立

億

案記石文字皆無可徵惟稱洛州緱氏縣景山鄉以見當時鄉名如此足爲方志之補也記亦庸兒搜出與府店招提寺佛座橫勒一造像同自丙午正月得之

周公祠碑

并序

存行書開元二年十二月舊在石橋北二里今移入

明倫堂

朝議郎行偃師縣尉賈大義撰

通志金石略周公祠碑開元二年立

原夫陰陽不測之謂神變化無窮之謂聖聖也者範圍  
天地贊萬物而不口其功神也者探賾窮冥降口口口  
而不口其意口乎元口斡運日月齊明振中古之暮猷  
乾坤合度盛業冠於三代美化流於四國其生也口我  
爲光輔其逝也薦我爲明神所謂有始有終可久可大  
者也公字朝明文王之子武王之弟成王之叔父也口  
堯臣以披口踐祚初開口地口宜殷伯以積惠累仁終

翦格天之業登太極而承元吉資中和而誕賢聖知微  
口於幼顏繼體分於正氣兵戈已偃西周之歷數攸歸  
宅土口封東魯之衣冠允集故能勤勞家國翊亮台衡  
禮珪璽而拜三壇御冕旒而朝萬寓鴟鶚救其衰亂狼  
跋明其終始尊嚴其父孝理也炯誠其子卑牧也七月  
艱難陳業也三年征伐敘功也復子寶位不虧忠敬之  
誠開我金滕迺得風雷之意於是測四方以定都邑分  
六職以明典刑制立口口安上理人則俎豆之法行揖  
讓之儀作制大樂以和風易俗則和感之音暢舞詠之  
情宣詳八卦而究精微演六爻而告疑滯所謂極深研

精立功成器以爲天下利者也敢問元王之惠何以加於口乎若迺示諸人藏諸用道藝可以激揚今古軌模可以粉澤人倫懸寓煥口不假一二談也嗟乎天道有盈虛人事有存沒猶使百年黎庶嚮口口之威靈四序蒸嘗用君王之典則非天下之至聖孰能與於此哉偃師縣祠堂者按圖經云後人懷口恩所置也負陽岑之巖險而通谷之縈紆四水以爲川二室以爲鎮重檐累拱登玉戶而三階洞室迴廊列金楹而四合壽宮口口備物巖巖宛若居攝之仁明穆如行化之易簡孝若之徘徊庭廡未足贊其精微靈均之倦虬階除不能訶其

怪異易稱王假所以致孝享詩稱天作所以祀王公崇  
敬則遐邇周臻嘉祥則賢愚共被若迺日之吉辰之良  
銀篆繡軸溢通莊會舞安歌紛滿堂樽酌奠兮斟桂瓊  
鏘鳴兮琳瑯下禱戴兮介福上歆馨兮樂康雖盛凝之  
持戒練心傾恇不怠劉長之去邪歸道拜謁愈勤正直  
聰明於是乎□□以癸丑秋末迄於甲寅夏首西郊不  
雨南畝亢陽八溪以□□渚濱河罕植青草九重以握  
珪沉璧雲□□華關□無鶴立之徵田夫有狼顧之懼  
尹上柱國武威縣開國子隴西李傑山河間氣廊廟宏  
材允四海之具瞻裁三川之景化西京竹潤稍□分陝

之郊東都思理再臨惟濟之邑奸豪懲而疑滯詞繆  
悅而禮義行惠澤布獲頌聲洋溢正議大夫行少尹  
軍彭城劉禎正議大夫行少尹上柱國博陵縣開國男  
崔元祐並星象之奇衣冠之秀器惟經國六藝襲於班  
楊口以匡時令望昇於臺閣佐官司錄柳齊物等並陟  
遐自邇始當州府之勞擇士用才終踐公侯之望朝請  
大夫行令博陽縣開國男彭城劉體微金枝玉葉之門  
上善通賢之量歷霜臺之鯁直開雷邑之風口立義不  
欺兼并自息通直郎行丞王鈍朝議郎行主簿李循古  
承議郎行尉崔延祚無不珪璋比德麟鳳成文藏用於

東畿安卑於西毫咸以分官濟俗共理經邦欽若皇情  
特憐黔首吁嗟廟宇申至理之馨香祥起靈壇奠明祈  
之蘋口誠敬如在神聽無違言未畢而布油雲禮未終  
而澍甘露三農有慶八政口口口口口口口口口口口  
口而家邦可制非聖人之利物豈能與於此者是有黃  
髮兒齒之徒相與而稱曰昔文翁以化漸蜀川猶存古  
廟子產以政行鄭國尙列遺祠況乎道惠均兩儀神口  
庇萬代而頌章斯缺盛事莫傳蒙少忝青衿晚紆黃綬  
勤誠不夢豈吾道之將衰遊口難宣冀斯文之未喪頌

曰

伊太初兮惟混惟茫暨中古兮無制無防大忠勤國兮  
輔我君王至道被物兮明口典章乾坤可測兮陰陽會  
合威儀不差兮禮樂鏗鏘上惠口口兮先靈如在下八  
蒙庇兮遺惠不忘春夏炎赫兮銷流金石官寮祈請兮  
拜伏壇場神聽之兮密霖已灑人賴之兮靈雨其霽喜  
太田之多稼望高廩之盈倉羞蘋蘩於祭禮建碑頌於  
祠堂松栢森沉兮歲久煙霞口兮山荒謁明神於此地  
降福祚之穰穰

大唐開元二年歲次甲寅十二月甲寅朔五日戊午建  
上柱國子口口口口仙鐫勒



億案碑所載偃師縣祠堂者按圖經云後人懷缺恩

所置也負陽岑之巖險面通谷之縈紆其文述祠之始末基宇略可推見如此伽藍記首陽舊有周公廟世隆欲以太原功比周公故立此廟廟成爲火所焚今是碑舊在縣西之石橋堡石橋與首陽比近碑亦云負陽岑則祠卽爾朱時所營造由其廟焚以後唐猶依其故址也碑又云以癸丑秋末迄於甲寅夏首西郊不雨南畝亢陽按新唐書元宗紀開元二年五月壬午以關內旱求直諫云據此則東都亦旱矣史文或有缺記也五行志開元二年春大旱按碑云

癸丑秋末迄於甲寅夏首則旱已隔歲非僅一春旱也文內有云公字朝明公字他書皆無聞獨見於唐碑疑皆後人附會之詞不足據今府志採入謂補史傳之闕蓋失斟酌也

潛研堂金石文字跋尾右周公祠碑朝議郎行偃師縣尉賈口義撰文多漫漶不見書人姓名詳其文義蓋以河南尹隴西李行正少尹彭城劉禎偃師令彭城劉體微等禱雨周公祠有應立石頌之也攷舊唐書本紀開元二年正月關中自去秋至于是月不雨人多饑乏遣使賑給名山大川並令祈祭以此碑證

之則東都亦苦旱也是時明皇親政姚元之當國民  
隱不墜於下而守令亦能勤於民事祈禱之誠如響  
斯答良足稱已

補

中州金石記云洛陽伽藍記云首陽山舊有周公廟  
世隆欲以太原王功比周公故立此廟廟成爲火所  
災有一柱焚之不盡後三日雷雨震電霹靂爲數段  
柱下石及廟瓦皆碎於山下又水經注云河水南對  
首陽山又有周公廟今碑云偃師縣祠堂者按圖經  
云後人懷口恩所置也負陽岑之巖險面通谷之縈  
紆碑故在石橋保近首陽山當是魏時舊廟唐人所

修今移碑至學宮恐失其址矣碑又云公字朝明不見經傳其下述祈雨之人爲尹李傑行少尹劉楨行少尹崔元佐官司錄柳齊物行令劉體微行丞王鈿行主簿李循古行尉崔延祚按李傑劉响唐書有傳云開元初爲河南尹傑旣精於聽理每有訴列雖衢路當食無廢處斷由是官無留事人吏愛之新唐書家太子詹事景公傳云李傑爲河南尹與公皆一時逸世謂畢李卽其人也宰相世系表劉氏有體微諫議大夫衛尉卿今云朝請大夫行令博陽縣開國男者是時行偃師令也通志金石略有周公祠碑云開

元二年立在西京卽此而不著撰人名補

復案錢少詹事所收本過殘暈乃云詳其文義蓋以

河南尹隴西李行正少尹彭城劉禎偃師令彭城劉體微等薦爾周公祠有應立石頌之余今攷之實爲李傑非行正也舊唐書傑本傳開元初爲河南尹云

云明年爲護橋陵作賜爵武威子新唐書先天中進陝州刺史改河南尹攷元宗以先天元年十二月改元開元碑載以癸丑秋末迄於甲寅則傑之蒞任實當先天元年是新書據其實書之舊書據改元書之也傑爲長孫昕楊仙玉歐擊以後護橋陵作賜爵武

威子攷舊書元宗紀此事在開元四年今碑在二年  
已得武威子或預營陵兆先以緣恩得賜也與又碑  
載西京竹潤稍口分陝之郊東都思理再臨惟洛之  
邑新書稱進陝州刺史改河南尹卽謂此事然碑云  
再臨似其初亦官河南矣新書畢構傳景龍未召爲  
左御史大夫會平諸韋治其黨衣冠多坐構詳比重  
輕皆得其情時李傑爲河南尹與構皆一時選世謂  
畢李據是景龍末傑已爲河南尹此開元初爲再臨  
本傳脫書疎也傑尹正此方史稱其勤于聽理雖衢  
路當食無廢處斷由是官無留事人吏愛之今碑云

全不類三不金身一  
三  
奸豪懲而凝滯剖鯨寡悅而禮儀行惠澤布濩頌聲洋溢與史並合又有行少尹者開元新制改洛州爲河南府長史爲少尹故也

案記稱尹上柱國武威縣開國子隴西李傑正議大夫行少尹護軍彭城劉禎正議大夫行少尹上柱國博陵縣開國男崔元祐司錄柳齊物朝請大夫行令博陽縣開國男彭城劉體微通直郎行丞王鈍朝議郎行主簿李循古丞議郎行尉崔延祚今府志有尹李傑而少尹不載劉禎崔元祐若縣志于令丞簿尉職官表皆遺之柳齊物見唐書宰相世系表官至陸

州刺史

殘墓誌 補

存正書開元四年八月藏趙際南家

缺州刺史父崇道 缺小節文章有奇致解褐雍州 缺弃

官從長兄歷艱嶮居南越 缺頓成疾將侍湯藥圖還洛

京異彼 缺智□□□崎嶇逼畏以達三川蛛蝥 缺彭殤

□盡血屬同歸卽開元四年八月 缺廿有□□子曰資

父事君敬則無兩忠 缺可稱曲事進力□事并□死生

之義與 缺有之安□嗟及□哉況母氏釐居幼女 缺弟

沉疾殆前殮□□之形命及喪禮難收 缺存歿無改□



之口出無缺泉壤詞曰

缺不口美得喪盈虛動缺達實昧始積缺

復案誌石出自治北小山坡土人鑿一柱礎圓徑尺餘已無名氏可見惟父崇道名存中叙其解褐卽棄官從長兄屆南越憔悴成疾將侍湯藥崎嶇逼畏以達三川蓋篤於友悌如此後誌開元四年八月以卒年僅二十餘又值母氏孀居幼女失依弟遭沉疾云重哀此君歿身多厄爲致永嘆焉然得此石略存其概以見名佚而行彰固猶有幸也

缺銀青光祿大夫缺銘并序

存八分書開元十四年十一月在明倫堂

公諱憲字令將平陽臨汾人也□□□□□□□□□□□□□□□□  
□□□□爲氏洎七葉有漢大□軍棘蒲侯武文十五  
□□□□□□□□□□平陽侯子孫家焉祖遠雄武多大  
略徵晉昌令不就□□□□□□□□高量累辭辟命浸謚  
真隱先生積德未享是用有後公□□□□□□氣降虛明  
之神清暢條理夷雅閑秀詞學優深操行無玷□□□□  
□不徇速達年三十鄉貢進士對策上第其年解褐榮  
澤主簿□□師尉明堂尉闕鄉令秩滿受詔關內覆囚  
旋擢右臺殿中侍御史轉庫部吏部二員外郎又內艱

哀毀過禮服闋除禮部考功二郎中遷給事中中書舍人策勛上柱國除大理少卿出爲號州刺史復大理少卿遷工部侍郎又出爲兗州都督入拜衛尉少卿復工部侍郎又出爲蒲州刺史入拜太子右庶子遷太子賓客累加封嶽陽縣開國男食邑五百戶凡所歷官咸著成績皆任實以祐物不激譽而干進休名自著僉舉尤諳喪仲弟哀感成疾以開元十三年九月二十五日薨於東都審教里第春秋七十八粵以開元十四年歲次景寅十一月乙亥朔十六日庚寅葬於偃師縣龍池鄉之北原祔先塋禮也惟公擇乎中庸樂在名教體忘悔

魯德全終始者朝廷嘉人而已又嘗著中道通教二論  
註周易撰三傳通誌廿卷集內經藥類四卷合新舊本草  
十卷並行於代噫可謂立德立言歿而不朽者矣剛  
子長安縣尉少儀等孝思純至永懷揚名乃刊石勒銘  
以誌幽宅其辭曰

盛德之後兮實生哲人文義博暢兮志業清純孚政光  
國兮懋寵榮親立言不朽兮全道歸真

億案誌石出土爲鄉人鎚其一角今官闕卒葬年月

皆具獨姓氏利缺竟不可識余以文證之有云泊十  
乘有漢大將軍棘蒲侯武據漢書功臣表棘蒲剛侯

陳武文帝紀三年以棘蒲侯柴武爲大將軍臣瓚曰漢帝年紀爲陳武此云柴武爲有二姓誌所闕姓氏當亦不出此後又載著中道通教二論注周易撰三傳通誌二十卷集內經藥類四卷合新舊本草十卷而唐志皆未著錄蓋言之不可恃如此

中州金石記云碑缺一角故撰書人不可考云公諱憲字令將平陽臨汝人又云泊七葉有漢大將軍棘蒲侯武者按漢書文帝紀云三年以棘蒲侯柴武爲大將軍臣瓚曰漢帝年紀爲陳武此云柴武爲有二姓功臣表作陳武然則憲姓陳又云葬于偃師縣龍

池鄉之北原耐先塋今鄉名既失墓亦不載于方志  
又云又嘗著中道通教二論注周易撰三傳直隸甘  
卷集內經藥類四卷合新舊本草稱引最博亦無藥  
類書之難成而易失如此補

左驍衛大將軍趙元禮碑

佚

金石錄潘肅撰陸堅八分書開元十五年閏九月

復

案府志引金石錄僅著其目今依趙氏跋尾補之  
云元禮趙麗妃之父本山東倡也明皇在潞麗妃以  
倡得幸後生太子瑛開元初元禮父子皆超遷顯官

其卒贈越州都督諡曰忠詔爲立碑稱述甚盛夫爵祿天下公器所以待有德與有功者雖人主不得而私焉明皇昵于內寵擢用匪人至爲賜諡立碑尊寵如此使天下之士亦何所勸乎論者徒知明皇自天寶以後綱紀廢弛卒致播遷之禍不知衽席無別履霜不戒所從來久矣

劉光等建立經幢記

存正書開元二十七年在縣西南經周村

徐嶠之碑

佚

金石錄李邕撰季子浩正書天寶八載十月

府志按通志金石略西京有洛川刺史徐嶠之碑徐浩書金石經眼錄載溝口頭村東一百一十七步二尺小官道北五十八步四尺有唐徐公碑埋土中乾隆二十六年邑令移在城內學宮折作兩截

億案此碑已久佚今府志收作存蓋誤於金石經眼錄載溝口頭存者爲徐浩碑非嶠之碑也嶠之碑佚反以爲存徐浩碑存反以爲佚其失檢如此

復案金石略西京有洛川刺史徐嶠之碑川卽州字轉寫之訛若洛字亦爲洛字形似致誤徐浩神道碑



銀青光祿大夫洛州刺史贈左散騎常侍嶠之子  
石刻鋪敘載廣平太守徐嶠之攻廣平卽洛州舊唐  
書地理志洛州天寶元年改爲廣平郡乾元元年復  
爲洛州李邕撰嶠之碑當天寶八載則曾氏稱廣平  
太守信有所依季海碑書洛州刺史据其後言之也

僊師金石遺文補錄卷四終

邑人

徐宣方子  
武穆淳愚